



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 59. Cardinales Clementini.

---

[urn:nbn:de:hbz:466:1-66293](#)

pum Prænestinum; ad Imperatorem, in Sæcul. XIV.  
Germaniam, & Bohemiam Guilelmum <sup>A. C. 1378.</sup>  
Acrifolium itidem Cardinalem; ad Re-  
gem Angliæ, in Brabantiam, Flandriam,  
Belgiumque reliquum Cardinalem Gui-  
donem Malesecum; in Hispaniam Car-  
dinalem Petrum Lunium.

## §. LIX.

*Cardinales Clementini.*

Ut suppleret horum absentiam, & suffi-  
cientem numerum Cardinalium sem-  
per apud se haberet, Fundis adhuc com-  
morans die Veneris 18 Decembris sex  
creavit novos. Primus erat Jacobus Itrius  
Campanus, factus primum Esulanus in  
regno Neapolitano Episcopus, deinde an-  
no 1359 Martorarius in Calabria, anno  
1363 Archiepiscopus Hydruntinus, anno  
1376 Constantinopolis Patriarcha hono-  
rarius per Gregorium XI; qui ei admi-  
nistrandam reliquit Hydruntinam Eccle-  
siam, & ut Patriarchæ dedit Vicarium  
Antoninum \* Sagittarium ex Ordine Mi-  
norum Archiepiscopum Athenensem.  
Secundus, Petrus Amelius Arvernus Mo-  
nachus Benedictinus, & tunc Archiepi-  
scopus Ebredunensis, quod ei nomen ad-  
hæsit, quamquam titulum nacto a S. Ma-  
ria trans Tiberim. Tertius, Nicolaus  
Brancacius Neapolitanus Papæ Urbani

p. 1249.

\* Arbaletè-  
trier.

p. 1252.

p. 1256.

*Hist. Ecclæs. Tom. XXIV.* Y cognata

**Sæcul. XIV.** cognatus, primum Neapoli Canonicus,  
**A. C. 1378.** Doctor Juris Civilis, & Cognitor causarum palatii Apostolici; an. 1347. ab Urbano V nominatus Archiepiscopus Barianus; & post decem circiter annos translatus Consentiam; Reginæ Neapolis Joannæ Confiliarius, novum Papam Urbanum ejus nomine salutatum missus; sed posthabita cognatione Clementi deditus, vocatusque Cardinalis Consentinus.

\* de la Barrière.

p. 1260.

Quartus, Petrus \* Obicius natus in Ruthenensi dioecesi, Doctor Juris, & magna eruditionis fama florens, ab an. 1377 Augustodunensis Episcopus, cum oblatam sibi ab Urbano VI purpuram recusasset, quod ejus electionem non esse canoniam crederet, a Clemente titulum templi SS. Petri, & Marcellini, sed, quia Parisiis erat, ibi petasum 4 Maji anno proximo in præsentia Regis adeptus. Quintus, Nicolaus Saturninofanensis Dominicanus, cuius memini, Cardinalis de S. Martino in Montibus. Sextus, Leonardus Geophanius Italus Minorum Ordinis Minister Generalis, qui ab Urbano VI Romanæ Curiæ Patribus adscribi pariter noluerat. En sex Cardinales a Clemente renunciatos mense Decembri anno 1378.

§. LX.